

वर्त्ति॒तेति॑ । तानिन्द्रो॒निहि॑तभा॒गउ॒पाव॑र्त्तत । गृ॒हमे॒धी-
ये॒नेष्टा॑ । इन्द्रा॒य निष्का॑सं निद॒ध्यात् । इन्द्र॑ए॒वैनं॑ नि-
हि॑तभा॒गउ॒पाव॑र्त्तते । गा॒र्हप॑त्ये जुहोति ॥ ३ ॥

भा॒गधे॒येनै॒वैनः॑ सम॒र्धय॑ति । ऋ॒षभ॑मा॒ह्वय॑ति । व॒ष-
ट्का॒रए॒वास्य॑ सः । अथो॑ इन्द्रि॒यमे॒व तद्दी॒प्यं यज॑मानो
भा॒तृव्य॑स्य वृ॒क्षे । इन्द्रो॑वृ॒चः ह॒त्वा । परां॑ परा॒वत॑म-
गच्छत् । अपा॑राधमि॒ति म॒न्यमा॑नः । सोऽब्र॑वीत् । कइ॒दं
वेदि॑ष्यतीति । तेऽब्रु॑वन् म॒रुतो॒वरं॑ वृ॒णाम॑हे ॥ ४ ॥

अथ॑ व॒यं वे॑दाम । अ॒स्मभ्य॑मे॒व प्र॑थ॒मः ह॒विर्नि॑रु॒प्या-
ता॒इति॑ । तए॒नम॑ध्य॒क्रीड॑न् । तत्क्री॑डि॒नां क्री॑डि॒त्वं । य-
न्म॒रुद्भ्यः॑ क्री॒डिभ्यः॑ प्र॑थ॒मः ह॒विर्नि॑रु॒प्यते॑ विजि॒त्यै ।
सा॒कः सूर्ये॑णो॒द्यता॑ निर्व॑पति । ए॒तस्मि॑न् वै लो॒कइ-
न्द्रो॑वृ॒चम॑ह॒न्त्समृ॑ध्यै । ए॒तद्वा॑ह्म॒णान्ये॒व पञ्च॑ ह॒वीः-
षि॑ । ए॒तद्वा॑ह्म॒णऐन्द्रा॑ग्नः । अथै॒ष ऐन्द्र॑श्चरु॒र्भव॑ति ॥
उ॒द्धारं॑ वा॒एत॑मिन्द्र॒उद॑हरत । वृ॒चः ह॒त्वा । अ॒न्यासु॑
दे॒वता॑स्वधि । य॒देष॑ ऐन्द्रश्चरु॒र्भव॑ति । उ॒द्धार॑मे॒व तं य-
ज॑मान॒उद्धार॑ते । अ॒न्यासु॑ पृ॒जास्वधि॑ । वै॒श्वक॑र्म्मण॒एक-
क॑पालो॒भव॑ति । वि॒श्वान्ये॒व तेन॑ क॒र्म्माणि॑ यज॑मानोऽव-
रु॒न्धे ॥ ५ ॥